

上元縣志卷十四 古蹟下

樓閣

落星樓在落星山見山川

冶城樓在宋天慶觀西偏吳冶城舊基晉謝安王羲之同登冶城樓悠然遐想有高世之志卽此

入漢樓在石頭城晉義熙八年於石頭城南起高樓加累入於雲霄連堞帶於積水名曰入漢樓

景陽樓宋元嘉二十二年修廣華林園築景陽山始造景陽樓大明元年樓出紫雲狀如烟詔改爲慶

雲樓宮苑記云齊武帝置鐘景陽樓宮人聞鐘聲

上元縣志 樓閣 卷十四

一

並起粧飾

青漆樓在臺城內南齊書世祖與光樓上施青漆時人謂之青漆樓東昏侯曰武帝不巧何不純用琉璃

觀稼樓在城東二十五里梁武帝建

百尺樓在南唐宮中類說云唐主於宮中作高樓召羣臣觀之衆皆歎美蕭儼曰恨樓下無井耳唐主

問其故對曰以此不及景陽樓唐主怒貶儼舒州忠勤樓在建康府治中宋淳祐十年吳淵建

閱江樓明洪武初立於獅子山太祖與宋濂皆有記

一云不果立

通天觀在華林園中金陵故事晉孝武帝講孝經於此僕射謝安侍坐尚書陸納侍講黃門侍郎謝石吏部侍郎袁宏執經丹陽尹王緄讀句論者榮之宋元嘉中重建宮苑記梁武帝於觀前起重閣閣上曰重雲殿下曰光嚴殿殿當階起二樓左曰朝日右曰夕月階道繞樓九轉極其巧麗

元風觀在古都城宣陽門外東晉建武元年建

迎風觀在建康宮西宋孝武大明中建

元武觀在元武湖上宋時建南朝嘗臨此閱武

上元縣志

卷十四

樓閣

二

層城觀在華林園亦名穿針樓宋元嘉中造輿地志齊武帝七月七日使宮人集層城觀穿針乞巧因名

齊雲觀在臺城內陳建後主令採木湘州擬造正寢至牛渚磯盡沒旣而漁人見棧於海上復起齊雲觀國人歌曰齊雲觀寇來無際神

延祚閣在冶城後岡上宋太始中建延祚寺閣因名臨春結綺望仙三閣陳後主建於華林園光昭殿前高數十丈窓闥戶壁欄楹之類皆以沉檀爲之又飾以金玉間以珠翠外施珍簾內設寶帳其服玩

瑰麗近古所未有閣下積石爲山引水爲池植以奇樹雜以花藥後主自居臨春張麗華居結綺龔孔二貴妃居望仙並爲複道往來使女學士與狎客賦詩采其尤艷麗者被以新聲有玉樹後庭花臨春樂等曲流連忘反以至於亡

涵虛閣金陵志云南唐建於後湖東官園內舊志謂卽雞鳴寺之憑虛閣也

青溪閣在青溪上本梁江總故宅宋爲段約之宅有亭曰割青

亭臺

上元縣志

卷十四

亭臺

三

化龍亭在幕府山側晉元帝與彭城王元西陽王羨南頓王宗汝南王宏渡江之所時童謠云五馬浮渡江一馬化爲龍故名

冶亭在冶城西金陵志晉義熙十一年劉鍾領石頭戍事屯冶亭卽王導所移冶處

東冶亭續志在城東二里汝南灣西臨淮水晉太元中三吳士大夫置亭爲送別之所當時地自有冶以爲王導疾時移此者非也史載謝安爲揚州袁宏爲東楊郡祖道於冶亭羣賢畢集又南史王裕之辭尚書令東還車駕幸東冶餞送皆此宋乾道

中留守史正志於半山寺前重建後劉琪馬光祖  
繼作二亭於其側一日知稼一日瑞麥元文宗在  
金陵嘗遊此見虞集題詩命侍臣摹寫藏諸篋  
征虜亭在石頭塢晉太元中創丹陽記征虜將軍謝  
安止此亭因以為名

散福亭在鍾山鄉去城四里舊傳晉宋祀北郊回鑾  
賜膳之所

光明亭在後湖堤旁宋蒼梧王射馬於此見南史  
甘露亭在覆舟山陳太建七年秋甘露降樂遊苑詔  
立此亭

上元縣志 卷十四 亭臺

白下亭蓋驛亭也在舊東門外王安石有東門白下亭摧甃蔓寒葩之句

又李白詩有云五月金陵西祖余白下亭此亭似又應在城西

翠微亭在清涼山顛南唐時建宋乾道間毀紹熙中  
復建淳祐已酉淮西總領陳綺新而大之為登臨  
勝處今山頂如砥殆其遺址

紅羅亭在南唐宮中古今詩話後主所建四面栽紅  
梅作艷曲歌之景定志作羅江亭韓熙載和云桃李不須

誇爛熳已輸了春風一半時已失淮南

金山亭在宋行宮內蘇頌重建王安石懷府園詩有  
常憶小金山下路綠荷深處見游鱸之句

望湖亭在雞籠山上或云南唐立今遺址見存

忠孝亭在冶城下壺墓側南唐卽其墓作忠貞亭宋慶歷三年葉清臣以其父忠子孝改爲忠孝亭  
牛山亭在鍾山卽宋王安石故宅

青溪園亭舊志溪西自百花州入臨水小亭曰放船  
入門有四望亭榜曰天開圖書環以四亭曰玲瓏  
池曰玻璃頃曰金碧堆曰錦繡段其東有橋曰鏡  
中橋東爲青溪莊南有萬柳堤榜曰溪光山色北  
有亭臨水曰撐綠其徑前曰添竹後曰香遠尚友  
堂西偏曰香世界先賢祠之東有亭曰花神仙清

上元縣志

卷十四 亭臺

五

如堂南綠波橋西有亭曰衆芳曰愛青其東又曰  
割青青溪閣之南清風關之北有橋曰望花隨柳  
其中行亭曰心樂其前曰一川風月自清風關東  
折而北亭出溪東二曰看竹曰蒼雪其後則爲靜  
菴菴後有石亭曰最高山後跨梁陟徑爲堂二前  
曰閒暇後曰近民諸亭惟割青爲舊餘皆馬光祖  
所建宋名青溪園爲小西湖今廢

烽火臺在石頭城一曰烽火樓覽古詩註石頭城爲  
最高處吳時爲舉烽火於此自建康至西陵五千  
七百里有警急半日而達

郭文舉書臺志云天慶太乙殿卽其處金陵故事謂文舉爲王導所重築臺於冶城以處之

九日臺在蔣廟西南孫陵岡卽商飈館也齊武帝每九月九日宴羣臣於此

昭明讀書臺在蔣山定林寺後北高峰上今遺址尚存

太子臺在湖熟鎮北有臺高十餘丈下臨秦淮名太子臺舊傳昭明太子宴遊之所臺上有昭明像宋咸淳間名昭文精舍元改昭文書院景定志其旁

有太子東湖

舊志以臺爲讀書臺誤

上元縣志

卷十四

亭臺

六

獨足臺在舊宮城古詩註云陳末有一鳥獨足上臺以喙畫地書云獨足上高臺茂草化爲灰欲知我家處朱門傍水開後遷洛陽果賜第洛水旁

南唐月臺在子城東胡宿高齋記南唐李氏因城作臺望月人呼爲月臺下臨深濠北面覆舟南對長干西望冶城立齋其上高侔麗譙廣容晏息用謝宣城晏坐之意曰高齋

堂軒

樂賢堂在臺城內晉肅宗爲太子時建蘇峻之亂宮室皆焚惟此堂獨存考証宮城西南角有清游池

邗城中樂賢堂晉咸和七年彭城王紘上言樂賢堂有先帝手畫佛像屢經寇難而此堂獨存宜勅作頌帝下其議蔡謨曰佛者夷狄之俗非經典之制先帝量同天地多才多藝偶畫此像至於雅好佛道所未聞也於是遂寢

積弩堂在臺城北晉隆安中孫恩窺建康豫州刺史司馬尚之帥精騎入衛京師徑屯積弩堂是也又射堂在石頭城東古迹編晉義熙六年大風琅邪揚州射堂壞

武帳堂在武帳岡見山川

上元縣志

卷十四

堂軒

七

澄心堂在南唐宮左後主建爲藏書撰述之所後主有巧思製澄心堂紙時甚珍之

有美堂在宋行宮內舊爲府治梅堯臣有金陵有美堂詩

芙蓉堂在宋安撫司王安石詩有云投老歸來一幅巾尚私榮祿作藩臣芙蓉堂下疏秋水且與龜魚作主人

戲絲堂在轉運司堂後嘉定八年真德秀將母出使葺而名之馬光祖王埜皆德秀門下士寶祐中同持節於此新其堂刻石識之

忠宣堂在轉運司西廳本雙槐堂真德秀改建

清如堂在清溪淶波橋北馬光祖建取御翰中一清

如水之語梁椅為記

尚友堂在青溪先賢祠馬光祖建

籀龍軒在城西鐵塔寺王荆公嘗讀書於此

柵埭

柵埭實錄注吳時夾淮立柵號柵塘宮苑記吳時自

江口綠淮築堤謂之橫塘北接柵塘梁天監九年

新作綠淮塘北岸起石頭迄東冶南岸起後渚籬

門達於三橋至南唐時置柵如舊其後設閘洩城

上元縣志

卷十四

柵埭

八

中水入於江俗號為柵寨門

青溪柵在城東蘇峻之亂因風縱火進燒此柵官軍

再敗卞壺父子死之隋平陳斬張麗華孔貴嬪於

此柵下

雞鳴埭建康實錄青溪有橋名募士橋橋西南過溝

有埭名雞鳴埭齊武帝早遊鍾山射雉至此雞始

鳴圖經云今在青溪西南潮溝之上金陵志按南

史齊武帝數幸琅邪城宮人嘗從早發至湖北埭

雞始鳴故呼為雞鳴埭若爾其埭又當近北二埭

恐皆當時所歷姑兩存之



方山埭吳赤烏八年使校尉陳勳發屯田兵於方山  
南截淮立埭號方山埭

南埭今上水閘也王荆公贈段約詩云聞君更欲通  
南埭割我鍾山一半青謂此

廷尉壘在城北舊廷尉寺舍地劉裕禦廬循築查浦  
藥園廷尉三壘此其一也或曰壘蓋近淮口

藥園壘在覆舟山南

賀若弼壘隋伐陳賀若弼過江於蔣山龍尾築壘

韓擒虎壘在石頭城西

### 村驛

上元縣志

卷十四

村驛

九

烏榜村在天慶觀西慶元志初立西州城未有籬門  
樹烏榜與建康分界後名其地爲烏榜村

夢筆驛在治亭相傳江淹宿此夢郭璞索筆處

蛇盤驛卽金陵驛宋置在長樂鄉蛇盤市一云余婆  
音之譌也

棋壇石通典江東太廟門北有石文如竹葉小屋覆  
之宋文帝元嘉中修廟所得陸澄以爲晉孝武時  
郊禱石或云百姓祀其旁或謂之落星石

到公石慶元志云梁到溉第臨淮水齋前地有礮石  
長丈六尺武帝戲與賭之溉輸卽迎置華林園宴

殿前謂到公石云

金華石梁金華宮遺石至宋猶在建康府治中覆以小亭

三品石金陵志臺城千福院本梁同泰寺後吳順義

中有醜石四置院前各高丈餘云陳朝三品石王

安石陳克俱有詩

第宅

宋明帝舊宅在青溪中橋北卽位後改爲湘宮寺

齊武帝舊宅宋舊志今城東一里青溪上齊書帝諱

子生於建康青溪宅永明三年幸青溪宅

上元縣志

卷十四

第宅

十

梁武帝宅在城東十五里同夏里後爲光宅寺宋大明八年帝生於秣陵縣同夏里

三橋後卽位置同夏縣

吳是儀宅在臺城之西明門吳志儀性儉門甚陋帝幸其宅麥餅蔬食無所

增加又帝嘗出見大屋人謂儀宅帝曰必非其見信如此

駱統宅在土山下父老傳云駱監軍宅也

諸葛恪宅在元風觀前

陶璜宅在石頭塢其地名陶家渚

晉謝元宅在土山其地名康樂坊旁有謝元走馬路

郝鑿宅在青溪上

謝尚宅在舊江寧縣東南一里今斗門橋北東岸是

杜姥宅在冶城側地理志在端門外直蘭臺路東晉成帝后杜氏母裴乃杜弘治之妻

吳隱之宅在古都城南五里今雙橋門內所居內外茅堂六間籬垣灰陋妻子不免寒露

宋建平王劉宏宅在雞籠山宏年少萬好文籍太祖愛之立第盡山水之美

劉劭宅在蔣廟東北名東山園

沈慶之宅在古城東南十里今上方橋左右南史慶之居清明門外有宅四區室宇甚麗有園在婁湖慶之一夕携子孫往居之以宅還官

檀道濟宅在青溪

上元縣志

卷十四 第宅

士

謝靈運宅即康樂坊故居

王僧綽宅在古大社西前居此者周顛等皆有禍敗時目為凶地僧綽曰大丈夫當以正道自居何宅之有凶吉

齊竟陵王子良宅在蔣山

蕭坦之宅在東府城東傍秦淮

劉巖宅在青龍山陽

南史巖居檀橋瓦屋數間上皆穿漏學徒敬慕不敢指斥呼為

青溪竟陵王子良表武帝為立館以檀橋地給之

周顛草堂在鍾山北顛隱居之所後出為海鹽令捨宅為草堂寺孔稚圭作北山移文以譏之

梁沈約宅在鍾山麓名東園南史沈約遷尚書令名與

東園詩有權維疎復密荆扉新且故之句

贊詞承妍富便覺此地佳勝十倍

范雲宅在城東南七里何遜有經范宅詩

伏挺宅在古潮溝西北

朱异宅在城東北异及諸子白潮溝列宅至青溪

到溉宅在城東臨秦淮

陳韋載宅在江乘縣之白山屏絕人事不入籬門者

幾十載

江總宅在青溪金陵故事南朝鼎族多夾青溪江令宅尤占勝地唐許渾有詩至宋段約

上元縣志 卷十四 第宅 十一

居之

孫瑒宅在青溪大橋東其西即江總宅

唐王昌齡宅近青溪常建有詩

冷朝陽宅在白下門外

南唐李建勳宅在青溪上建勳有青溪草堂開興詩

徐鉉宅在攝山棲霞寺西園池甚盛鉉宅有來賢亭宋裴迪詩結亭

意在來賢者誰慕清風為駐留

張洎宅在秦淮北岸洎為南唐參政時賜第

宋王安石宅在半山王安石後捨宅為寺賜額報寧

楊德逢宅在蔣山近後湖自號湖陰先生王直方詩話丹陽陳

輔每清明上冢至蔣山過德逢居清談終日歲為常後頗歲訪不遇遇一絕於門云北山松粉未飄花白下風輕麥脚斜身似舊時王謝燕一年一度到君家王安石詩一水護田將綠遶兩山排闥送來

王鑑宅在東山

汪膠宅在篋橋

明陳遇宅高帝嘗三幸焉今莫知所在

倪岳宅在崇禮街

焦宏宅在焦狀元巷舊有五車樓竝藏書處

程國祥宅在程閣老巷

陵墓

上元縣志

卷十四 第宅

三

吳大帝陵在鍾山陽

今孫陵岡上吳志赤烏元年追拜夫人步氏為皇后合葬蔣陵

有步夫人墩墩側即塚地又宣明太子登初葬句容後三年移葬於此

晉元帝建平明帝武平成帝興平哀帝安平四陵在

雞籠山皆不起墳

穆帝永平陵在幕府山西

俗傳穆天子墳即其地

康帝崇平簡文帝高平孝武帝隆平安帝休平恭帝

冲平五陵並在鍾山

宋武帝初寧陵在鍾山

政和間有人於蔣廟側得一石柱云初寧陵西北隅

文帝長寧陵與初寧陵近

明帝高寧陵在幕府山陽西與王導墓相近

陳高祖萬安陵在城東三十五里舊名陵里又曰天

呼石馬衝

文帝永慶陵在陵山南鴈門山北

明太祖孝陵在鍾山之陽與馬皇后合葬懿文太子

祔葬於左寶城明樓御橋孝陵殿廊臺墀道戟門

文武方門大殿門左右方門御河橋櫺星門華表

多同大內制有成祖御製碑沿山周圍繚垣四十

五里王門西紅門後紅門東西黑門神宮監孝陵

衛環之

國朝定鼎後置守陵太監二名兵四十名屢

上元縣志

卷十四

陵墓

十四

詔有司防護維謹康熙中

聖祖仁皇帝南巡詣陵親祭並書治隆唐宋四字勒碑

御製過明太祖陵有感詩

齊明宣沈太后陵在幕府山

俗呼國婆墳

齊明欽劉皇后陵在淳化鎮北

南史葬江乘縣張山

齊文惠太子陵在夾石

齊海陵王墓未詳其所

沈括筆談云慶歷中在金陵有農人以方石鎮肉視之若

有鐫刻取石洗濯乃海陵王墓謝

齊巴東公墓在棲霞寺側

有碑額云齊故侍中尚書

梁昭明太子安寧陵在城東北四十五里賈山前即

夾石與齊文惠太子同處

梁安成康王墓在清風鄉甘家巷

南史夏侯肅王僧孫劉孝標各撰碑

可辨者一乃劉孝標也

梁始興王墓在清風鄉黃城村去城三十里

王名儋有神道

碑

梁臨川王墓在北城鄉

碑題梁故假黃鉞侍中大將軍揚州牧臨川靖王碑王名

宏

梁南康簡王墓在神泉鄉

二石獸高三丈地名石獅子石柱一題開府儀同三

司南康簡王碑王名續

梁吳平忠侯蕭景墓在清風鄉花林村

柱題梁故侍中中撫軍將

上元縣志

卷十四 陵墓

五

軍開府儀同三司吳平忠侯蕭公碑

梁建安侯蕭正立墓在淳化鎮西

柱題梁故侍中左衛將軍建安敏侯

墓

宋元懿太子殯宮在鐵塔寺法堂

西漢甄邯墓在後湖側

南史宋張永常開元武湖遇古塚得銅斗一有柄文帝詢

之著作郎何承天曰此亡新威斗王莽時三公亡皆賜之在塚外一在塚內斗為天之喉舌故取象焉時三台居江左者惟甄邯為大司徒必邯之墓又啓塚內更得一斗復有一石銘云大司徒甄邯

墓

吳甘寧墓在直瀆山下

舊傳墓有王氣孫皓惡之鑿其處為直瀆

晉山簡墓在樂遊苑內覆舟山之陰

溫嶠墓在幕府山陽嶠初葬豫章朝廷追思之乃為造大墓還葬於此

郭璞墓在元武湖中湖中有一天語亭韓國藩詠郭璞墓結句云莫因葬法知龍角

天語而今在石頭世傳郭墓在金山下未知孰是

卞壺墓在今朝天宮西晉蘇峻之亂右將軍壺戰死二子眈野同死難並葬冶城

義熙間盜發塚壺而如生兩手悉拳爪甲穿背詔修治明洪武中太祖微行至朝天宮西見一婦人素服行哭已而大笑太祖問曰夫人何笑哭之頻對曰吾夫子昔死是以哭然吾夫為忠臣吾子為孝子是以笑太祖問墓所在指之曰去此數十步明日使人視之卞壺墓也乃為立廟

王導墓在幕府山西與宋明帝陵相迎

顏含墓在靖安里曾孫延之銘十四代孫真卿重書立石

謝濤并妻王氏墓在土山濤官散騎常侍夫人獻之女孫

上元縣志 卷十四 陵墓 夫

陸玩墓在雞籠山玩為太尉卒給兵千人守塚者七十家子尚書令納亦葬此山

宋冥漠君墓彭城王義康修東府城得古塚改葬東岡命謝惠連為文祭之不知其名假為

此號

謝靈運墓在本業寺

謝惠連墓在宣義鄉與本業寺相近

齊柳世隆墓在倪塘世隆曉術數於倪塘創墓與賓客踐履每往常坐一處及卒墓

正其坐處

劉瓛墓在青龍山

明僧紹墓在攝山

梁裴邃墓在光宅寺西大同初都下旱蝗四籬門外桐柏凋盡邃墓蒨葱自若當



時異

王僧辨墓在方山東南

僧辨為陳霸先所害父子七人同瘞一穴宣帝天嘉中故

吏衛卿許亨抗表請以家財造墓葬之

南唐張居詠墓在金陵鄉石頭城東北

有墓碑

宋員外郎王益墓在鍾山

益安石之父曾鞏有墓銘

王安石墓在半山寺

李邕墓在青龍山

邕臨江人知真定府金兵破城不屈而死贈昭化軍節度使金陵新

志葬溧陽州西北青龍山之南

楊宗閔墓在鍾山鄉

宗閔代州崞縣人建炎初金兵犯永康眾勸邈去閔曰吾結髮

受國恩今老矣惟有死耳城陷血戰而死贈太師魏國公謚忠介子存中收葬鍾山

上元縣志

卷十四

陵墓

七

狀元葉祖洽墓在鴈門山

字惇禮

狀元張孝祥墓在清果寺側

明中山王徐達墓在鍾山之陰

達鳳陽人年二十二從高帝起兵滁陽授

鎮撫時諸將崛起無適主達首先翼戴眾心乃服丙申從定建康下京口毘陵寧國宜興諸郡丁未克蘇州縛張士誠以歸洪武元年加中書右丞相信國公兼太子太傅克樂安迺河入汴洛嶠函郡縣望風降附遂入元都二年征臨洮李思齊不戰降西北始還進魏國公食祿五千石十七年鎮燕召還明年二月卒年五十四贈中山王謚武寧賜葬高帝親為神道碑文

開平王常遇春墓在鍾山之陰

遇春懷遠人初歸高帝從攻采石舟距三

丈許莫敢先登帝麾遇春前即挺戈大呼一躍而登敵披靡潰去遂拔采石取太平丙申敗蠻子海

牙江中攻建康先登從徐達克鎮江再攻常州  
牛塘擒偽吳健將張德援南昌遇彭蠡湖射中敵  
象將張定邊友諒喪魄退保鞋山旬五日友諒食  
之求戰帝及遇春舟皆膠舟力戰得脫竟繼友諒  
又敗張士信於舊館明年擒士誠封鄂國公副大  
將軍北伐破元都定中原皆先登所過輒下師還  
封開平王謚忠武賜葬詔宋濂撰神道碑

岐陽王李文忠墓在鍾山之陰初賜姓朱統兵援池

州攻下太平取嚴州授帳前總制親兵都指揮使  
守嚴州出奇破苗獠仍置戡後上順流下以警賊  
苗將蔣英劉鎮降遂拔紹興諸暨馳擊李明道謝  
再興等皆破擒之遂築新城五指巖下吳將李伯  
昇寇新城兵勢其銳文忠馳檄犯其鋒敵披靡奮  
擊大破之丙午總水軍下江浙復姓李洪武元年  
平閩賊詔為大將西長慶陽三年復總兵北伐出  
野狐嶺遂克應昌班師封曹國公十六年兼領國  
子監事明年卒年四十六追封  
岐陽王謚武靖詔董倫撰碑文

上元縣志 卷十四 陵墓 六

東甌王湯和墓在鍾山之陰和鳳陽人高帝居滁陽

用命獨和恭謹受約東帝委任焉授管軍總管陳  
也先寇太平矢中左臂益奮擊卒擒也先方如珍  
據溫合謝降之乘勝下福州獲陳有定平大同宣  
府封中山侯四年破蜀十年加封信國公討平五  
閩山獠賜第鳳陽尋諭築海上城起登萊抵江浙  
凡五十九處二十一年歸鳳陽二十八年卒年七  
十贈東甌王  
謚襄武賜葬

蕪國公康茂才墓在幕府山茂才蕪人元末結義兵

才以麾下降拜水軍翼元帥陳友諒將犯建康高  
祖密諭茂才曰汝素善友諒可誘之速至茂才家  
有老閭者嘗事友諒乃為書諭納款意友諒得書  
喜問康公何在曰守江東橋問何橋對曰木遣關  
者歸余某日至江東橋呼老康必余應也茂才以  
書上太祖命易橋以石友諒至見橋驚知茂才給  
已復連呼老康亡應者兵遂潰又從征下齊魯關  
隴鎮河中節制太原諸城再征漢中卒追封蕪國

公諡武毅賜葬

江國公吳良墓在鍾山之陰

良定遠人與弟頌俱以舉及渡江取太平定建康克鎮江常州功居多張士誠據姑蘇跨有淮東浙西江陰當其衝士誠又多變詐以金帛啗明將士良繕城池嚴部伍敵不敢犯洪武三年封江陰侯卒贈江國公諡襄烈賜葬

海國公吳禎墓在鍾山之陰

禎良之弟郭子興駐和陽孫德崖來就食與子與有違言兵圍城中太祖急呼禎整兵以入得不亂克采石破方山寨為總管洪武三年封靖海侯大軍戍定遠禎由登州轉餉兵食充足海上有警斂兵至琉球大洋俘倭賊以歸卒贈海國公諡襄毅賜葬

滕國公顧時墓在鍾山之陰

時濠人從渡江屢立戰功授同知天策衛事從

上元縣志

卷十四 陵墓

九

大將軍北定燕薊洪武三年封濟寧侯擒蜀明昇後鎮北平十二年卒贈滕國公諡襄賜葬

安陸侯吳復墓在鍾山之陰

復合肥人甲午從克滁大都督府事封安陸侯十六年卒諡威毅賜葬

許國公王志墓在鍾山之陰

志濠人從克和州定金陵圍常州先登陞右副元帥從征高郵下黃梅蹙友諒於彭蠡征武昌廬州安豐有功授親軍指揮使守六安北伐中原從馮將軍取懷慶澤潞留守平陽移漢中洪武三年封六安侯卒贈許國公諡襄簡賜葬

靜誠先生陳遇墓在鍾山之陰

有傳

太常寺卿呂本墓在鍾山之陰

本壽州人來歸丙午為中書掾史歷吏部尚書除太常卿十四年卒賜葬

知府高復墓在縣境

復字再興山東臨邑人洪武初知常州府事為政有惠愛旱禱

於城隍夜夢神告曰雨至矣天明果大洽歲登民頌其德改吉安同知復知常州以老疾辭賜半祿贍之卒

勅葬  
都御史丁璿墓在崇禮鄉有傳

尚書王敞墓在土山賜葬有傳

右都御史金澤墓在惠化鄉鍾山岡有傳

太子太保梁材墓在白山賜葬有傳

刑部尚書顧璘墓在彭城山賜葬有傳

太子少傅莊節公張可大墓在麒麟門外侯家塘賜葬有傳

有傳

坦然先生周文煒墓在麒麟門鎖石邨

上元縣志 卷十四 陵墓

碑碣 据客座贅語所錄 其他未暇詳考

南岳碑七十七字 漢尚書門人重勒在臨淮侯園 中太常楊時喬再刻于攝山

秦始皇帝東遊頌德碑 重摹小字 在舊府學

秦泰山碑 與前碑為一篇又名 二世東行詔書碑

秦嶧山碑 重摹小字在府學攷金 陵新志乃元李學契刻

吳後主紀功三段石碑 一曰天發神讖碑 一曰天璽

碑 華嚴文皇象書非篆非隸最為奇大 原刻在巖山今在府學尊經閣下

攝山棲霞寺碑 梁元 帝文

鍾山飛流寺碑銘 梁元 帝文

晉元帝廟碑 宋葉 適文

開善寺碑銘

梁王

卞公忠烈廟碑

宋胡

長干寺眾食碑

陳徐

晉竺使君銘又竺使君頌

二碑在金陵鄉

宋謝濤夫人王氏墓記

六朝事跡在土山淨

維摩居士像碑

晉顧長康畫在元戒壇寺宋蘇

瓦官寺維摩詰畫像碑

唐元黃

王羲之蘭亭記

留守晁謙之以家本刻於

宋江夏王義恭湯泉銘

銘四句似五言詩諸志

齊海陵王墓誌

宋謝朓

上元縣志

卷十四 碑碣

三

棲霞寺新路記

新志誤作徐陵據

梁開善寺智藏法師碑

蕭挹

梁侍中司徒始興忠武王碑

徐勉文貝義淵書在上

四又梁巴東獻武

梁散騎常侍司空安成康王碑

劉孝綽文貝義淵書

梁永陽王墓志

徐勉文在清風鄉居

陳景陽宮井闌刻銘

一作隋開皇中八分書或云煬帝

分書一太

攝山棲霞寺碑文并銘

江總持撰京兆韋

大莊嚴寺碑

梁江總撰

見梵剎志

顏魯公放生池碑

顏氏大宗碑

顏府君碑 二碑顏真卿書在上元金陵鄉乾道中入府學其碑座尚存故地猶名顏碑衝

唐明徵君碑 高宗御製高正臣書王知敬篆額今存

莊嚴寺僧旻法師碑 梁元帝作

草堂寺約法師碑 梁王筠作

佛窟寺碑 孫思撰在牛首

蔣莊武帝廟碑 徐鉉文

方山上定林寺碑 元虞集文

李太白讚寶公畫像 吳道子畫李太白贊顏真卿書趙子昂又書十二時歌

上元縣志 卷十四 碑碣

圭

福興寺碑 尚書許其文張從申書

南唐五龍堂老子像記 徐鉉文在石城

南唐祈澤寺斷碑 明盛時泰得之今砌佛殿後壁間又有宋劉次莊所撰仁壽縣君墓

志

李順公碑 高越書在西門外石子岡下

南唐追封慶王碑 在城南婁湖橋韓熙載文徐鉉篆額

德慶堂題榜 李後主書宋僧曇月刻石在清涼寺

寶華宮碑 南唐行書入品方山

宋仁宗飛白書 乾道八年留守洪遵刻之華藏寺

高宗孝經 晁謙之刻石郡學

祈澤寺宋紹興祈雨碑在祈澤祠壁間

高座寺雨花臺記宋馬光祖文并書

南唐宋齊邱鳳皇臺詩石在臺上

明道先生祠記三宋朱熹游九言真德秀作馬光祖跋

忠襄楊公祠堂記宋魏了翁作

八功德水記宋梅摯作

木業寺碑南唐僧契撫作東山在德筠書

定林寺記宋舜庸文素鑄書

道光泉記王安國作

王介甫平甫此君亭竹詩在今府學中石已斷碎

上元縣志 卷十四 碑碣 三

張文潛書太白鳳皇臺詩馬光祖書跋倪屋刻石臺上

蘇子瞻書送王勝之漁家傲詞在白鷺亭

江寧府涼館記宋呂升卿建元時敏記米芾書

金陵雜咏黃履詩溧水尉周沔書刻江寧府治

東冶亭記梅摯作

子隱堂記梅摯作

高齋記胡宿作

二水亭記史正志作

新亭記史正志作

開善寺修誌公堂石柱記唐李顧行作

義井記 李迪作

太平興國寺碑 元虞集作

崇禧萬壽寺碑 元趙世延作

龍翔集慶寺碑 虞集文

梁永陽王太妃墓誌 徐勉文在清風鄉路旁

梁建安敏侯神道碑 在鳳城鄉淳化鎮西

宋修昇州文宣王廟記 江賓王文在府學

攝山棲霞寺碑 陳韋霈書在西廡下

上元縣志

卷十四 碑碣